

Broj: 09-49-1-7758-7/19
Sarajevo, 02.12.2019. godine

Na osnovu člana 70. st. (1) i (3) Zakona o javnim nabavkama („Službeni glasnik BiH“, broj: 39/14), a na prijedlog Komisije za javne nabavke, imenovane Rješenjem, broj: 03-05-1-1494/19 od 13.03.2019. godine, federalna ministrica financija/finansija **d o n o s i**

**Odluku o izboru najpovoljnijeg ponuđača za javnu nabavku usluga –
SISTEMATSKI PREGLED ZAPOSLENIH
U FEDERALNOM MINISTARSTVU FINACIJA/FINANSIJA
(usluge iz Aneksa II dio B. Zakona o javnim nabavkama)**

I

U cilju odabira najpovoljnijeg ponuđača, a na osnovu Poziva za dostavu ponuda za javnu nabavku usluga – sistematski pregled zaposlenih u Federalnom ministarstvu financija, broj: 09-49-1-7758-1/19 od 04.11.2019. godine (u daljem tekstu: Poziv za dostavu ponuda), objavljenog na web stranici Ugovornog organa - www.fmf.gov.ba, dana 04.11.2019. godine, kao najpovoljnija prihvatljiva ponuda ocijenjena je ponuda ponuđača:

- **PZU Poliklinika „AGRAM“ Sarajevo, s ukupnom cijenom ponude sa uračunatim popustom u iznosu 27.978,00 KM bez PDV-a.**

II

Ponuda ponuđača iz tačke I ove odluke ocijenjena je prihvatljivom, jer ispunjava sve uvjete iz Poziva za dostavu ponuda.

III

Za realizaciju ove odluke zadužuje se Sektor za ekonomske, financijske i zajedničke poslove ovog Ministarstva.

IV

Odluka stupa na snagu danom donošenja i objavit će se na web stranici Federalnog ministarstva financija/finansija, u skladu sa članom 70. stav (6) Zakona o javnim nabavkama, istovremeno s upućivanjem iste svim ponuđačima koji su učestvovali u predmetnom postupku javne nabavke.

O b r a z l o ž e n j e

Postupak javne nabavke pokrenut je Odlukom o pokretanju postupka, broj: 09-49-1-7758/19 od 10.10.2019. godine. Javna nabavka provedena je u skladu sa odredbama Pravilnika o postupku dodjele ugovora o uslugama iz Aneksa II dio B. Zakona o javnim nabavama („Službeni glasnik BiH“, broj: 66/16). Procijenjena vrijednost nabavke iznosila je 35.000,00 KM bez PDV-a i predviđena je Planom javnih nabavki za 2019. godinu Ministarstva – Izmijenjeni plan, broj: 09-14-6-1442-2/19 od 29.08.2019. godine, dio II Usluge, pod rednim brojem 6. – Sistematski pregled zaposlenika.

U roku za dostavu ponuda, pristigle su 3 (tri) ponude ponuđača i to: PZU Poliklinika „ALTAMEDICA BETA“ Sarajevo, Poliklinika SA NA SA Sarajevo i PZU Poliklinika „AGRAM“ Sarajevo. Sve ponude dostavljene su blagovremeno.

Komisija za javne nabavke, imenovana Rješenjem, broj: 03-05-1-1494/19 13.03.2019. godine, izvršila je pregled i evaluaciju pristiglih ponuda, te konstatovala da su ponude ponuđača: PZU Poliklinika „ALTAMEDICA BETA“ Sarajevo i PZU Poliklinika „AGRAM“ Sarajevo prihvatljive, dok je ponuda ponuđača Poliklinika SA NA SA Sarajevo neprihvatljiva. Ponuda ponuđača Poliklinika SA NA SA Sarajevo, ID broj: 4200349800008, odbačena je kao neprihvatljiva iz sljedećeg razloga: Tačkom e) Poziva za dostavu ponuda za javnu nabavku usluga – sistematski pregled zaposlenih u Federalnom ministarstvu financija, broj: 09-49-1-7758-1/19 od 04.11.2019. godine, propisani su uvjeti i zahtjevi koje su ponuđači trebali ispuniti. Predmetnim pozivom, između ostalog, propisano je, da u svrhu ispunjavanja uvjeta iz tačke 1. Poziva, ponuđači trebaju dostaviti Aktuelni izvod iz sudskog registra, ne stariji od 3 mjeseca od dana dostavljanja ponude – original ili ovjerenu fotokopiju, a u svrhu ispunjavanja uvjeta iz tačke 4. Poziva, ponuđači trebaju dostaviti potpisanu i ovjerenu Izjavu, kojom izjavljuju da će ponuđač s kojim Ugovorni organ sklopi Ugovor o javnoj nabavci usluga izvršiti sve preglede na jednom mjestu za potrebe zaposlenika Ugovornog organa. Komisija je prilikom evaluacije ponude ponuđača Poliklinika SA NA SA Sarajevo konstatovala da je ponuđač umjesto Aktuelnog izvoda iz sudskog registra dostavio Rješenje o izmjenama podataka, broj: 065-0-Reg-19-003658 od 15.08.2019. godine, koje je ujedno i starije od 3 mjeseca od dana dostavljanja ponude (ponuda dostavljena 18.11.2019. godine u 15:44 sati). Također je konstatovano da je ponuđač dostavio Izjavu, broj: 154/19 od 18.11.2019. godine, kojom, između ostalog, izjavljuje da će sve usluge iz ponude za sistematski pregled pružiti u Poliklinici u ulici Grbavička 74, Sarajevo osim usluge mamografije koja se radi isključivo u Poliklinici na adresi Dr. Mustafe Pintola br. 31. U vezi sa naprijed navedenim, a uzimajući u obzir uvjete i zahtjeve koje su ponuđači trebali ispuniti u skladu sa Pozivom za dostavu ponuda, te dostavljene dokaze od strane ponuđača Poliklinika SA NA SA Sarajevo, Komisija je ponudu ponuđača Poliklinika SA NA SA Sarajevo odbacila kao neprihvatljivu.

Nakon izvršenog pregleda i evaluacije pristiglih ponuda, Komisija je dostavila federalnoj ministrici financija/finansija Zapisnik o pregledu i ocjeni ponuda, broj: 09-49-1-7758-6/19 od 29.11.2019. godine zajedno sa Preporukom o izboru najpovoljnijeg ponuđača PZU Poliklinika „AGRAM“ Sarajevo, sa registriranim sjedištem u ul. Trg međunarodnog prijateljstva broj 20, Sarajevo, ID broj: 4201369280007.

U postupku donošenja ove odluke, posebno su cijenjene činjenice, da je Komisija pravilno i potpuno, izvršila ocjenu kvalificiranosti ponuđača, te ocjenu prispijelih ponuda, shodno postavljenim uvjetima iz Poziva za dostavu ponuda. U postupku ocjene provedenog postupka, federalna ministrica nije našla razloge, nepravilnost niti propuste u radu, koji bi eventualno bili osnov za neprihvatanje preporuke Komisije za javne nabavke.

Naime, u postupku je ocijenjeno da je Komisija u svemu pravilno postupila, te da je izbor izvršen u skladu sa Zakonom o javnim nabavkama, podzakonskim aktima i Pozivom za dostavu ponuda.

Izabrani ponuđač dostavio je prihvatljivu ponudu u skladu sa uvjetima iz Poziva za dostavu ponuda, a koja je ujedno i najpovoljnija u skladu sa kriterijem za dodjelu ugovora najniža cijena.

Uzimajući u obzir naprijed navedeno, odlučeno je kao u dispozitivu ove odluke.

POUKA O PRAVNOM LIJEKU:

Protiv ove odluke, svaki ponuđač koji je učestvovao u postupku nabavke, može izjaviti žalbu Uredu za razmatranje žalbi putem Ugovornog organa - Federalnog ministarstva financija/finansija, u pisanoj formi direktno, elektronskim putem ili preporučenom poštanskom pošiljkom, u roku od 10 (deset) dana (s obzirom da je na portalu javnih nabavki objavljeno dobrovoljno ex ante obavještenje o transparentnosti) od dana prijema ove odluke. Žalba se podnosi u najmanje 3 (tri) primjerka.


MINISTRICA
Jelka Milićević

Dostaviti:

1. Svim ponuđačima
2. U dokumentaciju Komisije
3. Sektoru za ekonomske, finansijske i zajedničke poslove
4. a/a